


袖

唐詩選

全

津田文庫  
 文庫 1  
 1666



20

15

10

松皇軒訓

袖珍唐詩選全

東京 薰志堂藏

唐詩選序

唐無五言古詩而有其古詩陳子昂以其古詩爲  
 古詩弗取也七言古詩惟子美不失初唐氣格而  
 縱橫有之太白縱橫往往彊弩之末間雜長語英  
 雄欺人耳至如五七言絕句實唐三百年一人蓋  
 以不用意得之卽太白亦不自知其所至而工者  
 顧失焉五言律排律諸家槩多佳句七言律體諸  
 家所難王維李頎頗臻其妙卽子美篇什雖衆慣  
 焉自放矣作者自苦亦惟天實生才不盡後之君  
 子乃茲集以盡唐詩而唐詩盡于此

濟南李攀龍撰

唐詩選目錄

卷之一 五言古 共十四首

卷之二 七言古 共三十二首

卷之三 五言律 共六十七首

卷之四 五言排律 共四十首

卷之五 七言律 共七十三首

卷之六 五言絕句 共七十四首

卷之七 七言絕句 共百六十五首

集採共計一百二十八家  
詩選統載四百六十五首

唐詩選卷之一

濟南李攀龍 編選

五言古

早稻田大學  
圖書館藏書

述懷

神塾世猷文徵通校  
魏徵

中原還逐鹿投筆事戎軒縱橫計不就慷慨志猶存仗策謁天子驅馬出  
關門請纓繫南粵憑軾下東籬鬱紆陟高岫出沒望平原古木鳴寒鳥空  
山啼夜猿既傷千里目還驚九折魂豈不憚艱險深懷國士恩李布無二  
諾侯嬴重一言人生感意氣功名誰復論

感遇

張九齡

孤鴻海上來池潢不敢顧側見雙翠鳥巢在三珠樹矯矯珍木顛得無金  
丸懼美服患人指高明逼神惡今我遊冥冥弋者何所慕

薊兵覽古

陳子昂

南登碣石館遙望黃金臺  
在陵盡喬木昭王安在哉  
霸圖恨已矣驅馬復歸來

子夜吳歌

李白

長安一片月萬戶擣衣聲  
秋風吹不盡總是玉關情  
何日平胡虜良人罷遠征

經不邳圯橋懷張子房

子房未虎嘯破產不為家  
滄海得壯士推秦博浪沙  
報韓雖不成天地皆震動  
潛匿遊下邳豈曰非智勇  
我來圯橋上懷古欽英風  
唯見碧水流曾無黃石公嘆息  
此人去蕭條徐泗空

後出塞

杜甫

朝進東門營暮上河陽橋  
落日照大旗馬鳴風蕭蕭  
平沙列萬幕部伍各見招  
中天懸明月令嚴夜寂寥  
悲笳數聲動壯士慘不驕  
借問大將誰恐是霍嫖姚

玉華宮

溪回松風長蒼鼠竄古瓦  
不知何王殿遺構絕壁下  
陰房鬼火青壞道哀湍瀉  
萬籟真笙竽秋色正蕭麗  
美人為黃土况乃粉黛假  
當時侍金輿故物獨石馬  
憂來藉艸坐浩歌淚盈把  
冉冉征途間誰是長年者

送別

王維

下馬飲君酒問君何所之  
君言不得意歸臥南山陲  
但去莫復問白雲無盡時

西山

常建

一身為輕舟落日西山際常隨去帆影遠接長天勢物象歸餘清林巒分  
夕麗亭亭碧流暗日入孤霞繼洲渚遠陰映湖雲尚明霽林昏楚色來岸  
遠荊門閉至夜轉清迥蕭蕭北風厲沙邊雁鷺泊宿處兼霞蔽圓月逗前  
浦孤琴又搖曳冷然夜遂深白露沾人袂

宋中

梁王昔全盛賓客復多才悠悠一千年陳迹惟高臺寂寞向秋艸悲風下  
里來

與高適薛據同登慈恩寺浮圖

岑參

塔勢如湧出孤高聳天宮登臨出世界磴道盤虛空突兀壓神州崢嶸如  
鬼工四角礙白日七層摩蒼穹下窺指高鳥俯聽聞驚風連山若波濤奔  
走似朝東青松夾馳道宮觀何玲瓏秋色從西來蒼然滿關中五陵北原

上萬古青濛濛淨理了可悟勝因夙所宗誓將挂冠去覺道資無窮

幽居

韋應物

貴賤雖異等出門皆有營獨無外物牽遂此幽居情微雨夜來過不知春  
艸生青山忽已曙鳥雀繞舍鳴時與道人偶或隨樵者行自當安蹇劣誰  
謂薄世榮

南澗中題

柳宗元

秋氣集南澗獨遊亭午時迴風一蕭瑟林景久參差始至若有得稍深遂  
忘疲羈禽響幽谷寒藻舞淪漪去國魂已遠懷人淚空垂孤生易為感失  
路少所宜索莫竟何事徘徊祗自知誰為後來者當與此心期

早發交崖山還太室作

崔署

東林氣微白寒鳥忽高翔吾亦自茲去北山歸艸堂杪冬正三五日月遙

相望肅肅過潁上臙臙辨夕陽川冰生積雪墅火出枯桑獨往路難盡窮  
陰人易傷傷此無衣客如何蒙雨霜

唐詩選卷之一終

唐詩選卷之二

七言古

滕王閣

王勃

滕王高閣臨江渚佩玉鳴鸞罷歌舞畫棟朝飛南浦雲朱簾暮捲西山雨  
間雲潭影日悠悠物換星移幾度秋閣中帝子今何在檻外長江空自流

長安古意

盧照鄰

長安大道連狹斜青牛白馬七香車玉輦縱橫過主第金鞍絡繹向侯家  
龍銜寶蓋承朝日鳳吐流蘇帶晚霞百丈游絲爭繞樹一群嬌鳥共啼花  
啼花戲蝶千門側碧樹銀臺萬種色復道交窗作合歡雙闕連憂垂鳳翼  
梁家畫閣天中起漢帝金莖雲外直樓前相望不相知陌上相逢詎相識  
借問吹簫向紫煙曾經學舞度芳年得成比目何辭死願作鴛鴦不羨仙

比目鴛鴦真可羨雙去雙來君不見生憎帳額繡孤鸞好取開簾帖雙燕  
 雙燕雙飛繞畫梁羅帷翠被鬱金香片片行雲著蟬鬢纖纖初月上鴉黃  
 鴉黃粉白車中出含嬌含態情非一妖童寶馬鐵連錢娼婦盤龍金屈膝  
 御史府中烏夜啼廷尉門前雀欲栖隱隱朱城臨玉道遙遙翠憶沒金堤  
 挾彈飛鷹杜陵北探丸借客渭橋西俱邀俠客芙蓉劍共宿娼家桃李蹊  
 娼家日暮紫羅羣清歌一轉口氤氳北堂夜夜人如月南陌朝朝騎似雲  
 南陌北堂連北里五劇二條控三市弱柳青槐拂地垂佳氣紅塵暗天起  
 漢代金吾千騎來翡翠屠蘇鸚鵡杯羅襦寶帶為君解燕歌趙舞為君開  
 別有豪華稱將相轉日回天不相讓意氣由來排灌夫專權判不容蕭相  
 專權意氣本英雄青虬紫燕坐生風自言歌舞長千載自謂驕奢凌五公  
 節物風光不相待桑田碧海須臾改昔時金塔白玉堂只今惟見青松在

寂寂寥寥楊子居年年歲歲一床書獨有南山桂花發飛來飛去襲人裾

公子行

劉廷芝

天津橋下陽春水天津橋上繁華子馬聲迴合青雲外人影搖動綠波裏  
 綠波清迥玉為砂青雲離披錦作霞可憐楊柳傷心樹可憐桃李斷腸花  
 此日遨遊邀美女此時歌舞入娼家娼家美女鬱金香飛去飛來公子傍  
 的的朱簾白日映娥娥玉顏紅粉妝花際徘徊雙蛺蝶池邊顧步兩鴛鴦  
 傾國傾城漢武帝為雲為雨楚襄王古來容光人所羨況復今日遙相見  
 願作輕羅著細腰願為明鏡分嬌面與君相向轉相親與君雙棲共一身  
 願作貞松千歲古誰論芳槿一朝新百年同謝西山日千秋萬古北邙塵

代悲白頭翁

洛陽城東桃李花飛來飛去落誰家洛陽女兒惜顏色行逢落花長歎息

今年花落顏色改明年花開復誰在已見松柏摧為薪更聞桑田變成海  
 古人無復洛城東今人還對落花風年年歲歲花相似歲歲年年人不同  
 寄言全盛紅顏子應憐半死白頭翁此翁白頭真可憐伊昔紅顏美少年  
 公子王孫芳樹下清歌妙舞落花前光祿池臺開錦繡將軍樓閣畫神仙  
 一朝臥病無相識三春行樂在誰邊宛轉蛾眉能幾時須臾鶴髮亂如絲  
 但看古來歌舞地惟有黃昏鳥雀悲

下山歌

宗之問

下嵩山兮多所思攜佳人兮步遲遲松間明月長如此君再遊兮復何時  
 至端州驛見杜五審言沈三佺期閏五朝隱王二無競題壁慨然  
 成咏

逐臣北地承嚴譴調到南中每相見豈意南中岐路多千山萬水分鄉縣

雲搖雨散各翻飛海潤天長音信稀處處山川同瘴癘自憐能得幾人歸

烏夜啼

李白

黃雲城邊烏欲棲歸飛啞啞枝上啼機中織錦秦川女碧紗如煙隔窓語  
 停梭悵然憶遠人獨宿空房淚如雨

江上吟

水蘭之粍沙棠舟玉簫金管坐兩頭美酒樽中置千斛載妓隨波任去留  
 仙人有待乘黃鶴海客無心隨白鷗屈平詞賦懸日月楚王臺榭空山丘  
 興酣落筆搖五嶽詩成笑傲凌滄洲功名富貴若長在漢水亦應西北流

貧交行

杜甫

翻手作雲覆手雨紛紛輕薄何須數君不見管鮑貧時交此道今人棄如

土



短歌行贈王郎司直

王郎酒酣拔劍斫地歌莫哀我能拔爾抑塞磊落之奇才豫章翻風白日動魚魚跋浪滄溟開且脫劍佩休徘徊西得諸侯棹錦水欲向何門跋珠履仲宣樓頭春色深青眼高歌望吾子眼中之人吾老矣

高都護廳馬行

安西都護胡青驄聲價欵然來向東此馬臨陣久無敵與人一心成大功功成惠養隨所致飄飄遠自流沙至雄姿未受伏歷恩猛氣猶思戰場利踈促蹄高如踣躅交河幾蹴層冰裂五花散作雲滿身萬里方看汗流血長安壯兒不敢騎走過掣電傾城知青絲絡頭為君老何由却出橫門道

送孔巢父謝病歸遊江東兼呈李白

巢父掉頭不肯住東將入海隨烟霧詩卷長留天地間釣竿欲拂珊瑚樹

深山大澤龍蛇遠春寒野陰風景暮蓬萊織女回龍車指點虛無引歸路自是君身有仙骨世人那得知其故惜君只欲苦死留富貴何如草頭露蔡侯靜者意有餘清夜置酒臨前除罷琴惆悵月照席幾歲寄我空中書南尋禹穴見李白道甫問訊今何如

飲中八仙歌

知章騎馬似乘船眼花落井水底眠汝陽二斗始朝天道逢麴車口流涎恨不移封向酒泉右相日興費萬錢飲如長鯨吸百川銜杯樂聖稱避賢宗之瀟灑美少年舉觴白眼望青天皎如玉樹臨風前蘇晉長齋繡佛前醉中往往愛逃禪李白一斗詩百篇長安市上酒家眠天子呼來不上船自稱臣是酒中仙張旭三杯艸聖傳脫帽露頂王公前揮毫落紙如雲煙焦遂五斗方卓然高談雄辯驚四筵

哀江頭

少陵野老吞聲哭，春日潛行曲江曲。  
 江頭宮殿鎖千門，細柳新蒲為誰綠。  
 憶昔霓旌下南苑，苑中萬物生顏色。  
 昭陽殿裏第一人，同輦隨君侍君側。  
 輦前才人帶弓箭，白馬嚼嚙黃金勒。  
 翻身向天仰射雲，一箭正墮雙飛翼。  
 明眸皓齒今何在，血污遊魂歸不得。  
 清渭東流劍閣深，去住彼此無消息。  
 人生有情淚沾臆，江水江花豈終極。  
 黃昏胡騎塵滿城，欲往城南忘城北。

韋風錄事宅觀曹將軍畫馬圖引

國初以來畫鞍馬，神妙獨數江都王。  
 將軍得名三十載，人間又見真乘黃。  
 曾貌先帝照夜白，龍池十日飛霹靂。  
 內府殷紅瑪瑙盤，婕妤傳詔才人索。  
 盤賜將軍拜舞歸，輕紈細綺相追飛。  
 貴戚權門得筆跡，始覺屏障生光輝。  
 昔日太宗拳毛騧，近時郭家獅子花。  
 今之新圖有二馬，復今識者久嘆嗟。

此皆騎戰一敵萬，縞素漠漠開風沙。  
 其餘七匹亦殊絕，迥若寒空動烟雪。  
 霜蹄蹴踏長楸間，馬官廝養森成列。  
 可憐九馬爭神駿，顧視清高氣深穩。  
 借問苦心愛者誰，後有韋諷前支遁。  
 憶昔巡幸新豐宮，翠華拂天來向東。  
 騰驤磊落三萬匹，皆與此圖筋骨同。  
 自從獻寶朝河宗，無復射蛟江水中。  
 君不見金粟堆前松柏裏，龍媒去盡鳥呼風。

丹青引贈曹將軍霸

將軍魏武之子孫，於今為庶為清門。  
 英雄割據雖已矣，文采風流今尚存。  
 學書初學衛夫人，但恨無過王右軍。  
 丹青不知老將至，富貴於我如浮雲。  
 開元之中嘗引見，承恩數上南薰殿。  
 凌煙功臣少顏色，將軍下筆開生面。  
 良相頭上進賢冠，猛將腰間大羽箭。  
 褒公鄂公毛髮動，英姿颯爽來酣戰。  
 先帝天馬玉花驄，畫工如山貌不同。  
 是日牽來赤墀下，迴立閭闔生長風。

詔謂將軍拂絹素意匠慘澹經營中斯須九重真龍出一洗萬古凡馬空  
 玉花卻在御榻上榻上庭前屹相向至尊含笑催賜金啣人太僕皆惆悵  
 弟子緯幹早入室亦能畫馬窮殊相幹惟畫肉不畫骨忍使驂騮氣凋喪  
 將軍善畫蓋有神必逢佳士亦寫真即今漂泊干戈際屢貊尋常行路人  
 途窮反遭俗眼白世上未有如公貧但看古來盛名下終日坎壈纏其身

邯鄲少年行

高適

邯鄲城南遊俠子自矜生長邯鄲裏千場縱博家仍富幾處報讐身不死  
 宅中歌笑日紛紛門外車馬如雲屯未知肝膽向誰是令人却憶平原君  
 君不見今人交態薄黃金用盡還疎索以茲感歎辭舊遊更於時事無所  
 求且與少年飲美酒往來射獵西山頭

人日寄杜二拾遺

人日題詩寄草堂遙憐故人思故鄉柳條弄色不忍見梅花滿枝空斷腸  
 身在南蕃無所預心懷百憂復千慮今年人日空相憶明年人日知何處  
 一臥東山三十春豈知書劍老風塵龍鍾還忝二千石愧爾東西南北人

登古鄴城

岑參

下馬登鄴城城空復何見東風吹野火暮入飛雲殿城隅南對望陵臺漳  
 水東流不復回武帝宮中人去盡年年春色為誰來

韋員外家花樹歌

今年花似去年好去年人到今年老始知人老不如花可惜落花君莫掃  
 君家兄弟不可當列卿御史尚書郎朝回花底恆會客花撲玉缸春酒香

胡笳歌送顏真卿使赴河隴

君不聞胡笳聲最悲紫髯綠眼胡人吹吹之一曲猶未了愁殺樓蘭征戍

兒涼秋八月蕭關道北風吹斷天山艸崑崙山南月欲斜胡人向月吹胡  
笳胡笳怨兮將送君秦山遙望隴山雲邊城夜夜多愁夢向月胡笳誰喜  
聞

崔五丈圖屏風賦得烏孫佩刀

李頎

烏孫腰間佩兩刀刃可吹毛錦為帶握中枕宿穹廬室馬上割飛蠶蟬塞  
執之魍魎誰能前氣凜清風沙漠邊磨用陰山一片玉洗將胡地獨流泉  
主人屏風寫奇狀鍊鞘金環儼相向回頭瞪目時一看使子心在江湖上

答張五弟

王維

終南有茅屋前對終南山終年無客長閉關終日無心長自閒不妨飲酒  
復垂釣君但能來相往還

孟門行

崔顥

黃雀銜黃花翩翩傷簷隙本擬報君恩如何反彈射金罍美酒滿座春平  
原愛才多衆實滿堂盡是忠義士何意得有讒諛人諛言反復那可道能  
令君心不自保北園新栽桃李枝根株未固何轉移成陰結實君自取若  
問傍人那得知

贈喬林

張諤

去年上策不見收今年寄食仍淹留羨君有酒能便醉羨君無錢能不憂  
如今五侯不待客羨君不入五侯宅如今七貴方自專羨君不過七貴門  
丈夫會應有知己世上悠悠安足論

湖中對酒作

夜坐不厭湖上月晝行不厭湖上山眼前一樽又長滿心中萬事如等閒  
主人有黍萬餘石獨酌數斗應不惜即今相對不盡歡別後相思後何益

茱萸灣頭歸路賒願君且宿黃公家風光若此人不醉參差辜負東園花

城傍曲

王昌齡

秋風鳴桑條草白狐兔驕邯鄲飲來酒未消城北原平掣皂鵬射殺空營  
兩騰虎迴身却月佩弓鞘

洪州客舍寄柳博士芳

薛業

去年燕巢主人屋今年花發路傍枝年年爲客不到舍舊國存亡那得知  
胡塵一起亂天下何處春風無別離

春江花月夜

春江潮水連海平海上明月共潮生滄浪隨波千萬里何處春江無月明  
江流宛轉遶芳甸月照花林皆似霰空裏流霜不覺飛汀上白沙看不見  
江天一色無纖塵皎皎空中孤月輪江畔何人初見月江月何年初照人

人生代代無窮已江月年年望相似不知江月照何人但見長江送流水

白雲一片去悠悠青楓浦上不勝愁誰家今夜扁舟子何處相思明月樓

可憐樓上月徘徊應照離人粧鏡臺玉戶簾中卷不去擣衣砧上拂還來

此時相望不相聞願逐月華流照君鴻雁長飛光不度魚龍潛躍水成文

昨夜閒潭夢落花可憐春半不還家江水流春去欲盡江潭落月復西斜

斜月沈沈藏海霧碣石瀟湘無限路不知乘月幾人歸落月搖情滿江樹

吳宮怨

衛萬

君不見吳王宮閣臨江起不捲珠簾見江水曉氣晴來雙闕間潮聲夜落  
千門裏句踐城中非舊春姑蘇臺下起黃塵祗今惟有西江月曾照吳王  
宮裏人

帝京篇

駱賓王

山河千里國城闕九重門不覩皇居壯安知天子尊皇居帝里嶠函谷鷄  
 野龍山侯甸服五緯連影集星纏八水分流橫地軸秦塞重關一百二漢  
 家離宮三十六桂殿陰岑對玉樓椒房窈窕連金屋三條九陌麗城隈萬  
 戶千門平旦開複道斜通鳩鵲觀交衢直指鳳凰臺劍履南宮入簪纓北  
 闕來聲名冠寰宇文物象昭回鈎陳肅蘭凡壁沼浮槐市銅羽應風迴金  
 莖承露起校天文祿閣習戰昆明水朱邱抗平臺黃扉通戚里平臺戚里  
 帶崇牖炊金饌玉待鳴鐘小堂綺帳三千戶大道青樓十二重寶蓋雕鞍  
 金絡馬蘭臆繡柱玉盤龍繡柱璇題粉壁映鏘金鳴玉王侯盛王侯貴人  
 多近臣朝遊北里暮南鄰陸賈分金將燕喜陳遵投轄尚留賓趙李經過  
 密蕭朱交結親丹鳳朱城白日暮青牛紺憶紅塵度俠客金彈垂楊道娼  
 婦銀鈎採桑路娼家桃李自芳菲京華遊俠事輕肥延年女弟雙飛入羅

敷使君千騎歸同心結縷帶連理織成衣春朝桂尊尊百味秋夜蘭燈燈  
 九微翠幌珠簾不獨映清歌寶瑟自相依且論三萬六千是寧知四十九  
 年非古來名利若浮雲人生倚伏信難分始見田實相移奪俄聞衛霍有  
 功勳未厭金陵氣先開石櫺文朱門無復張公子灞亭誰畏李將軍相顧  
 百齡皆有待居然萬化咸應改桂枝芳氣已銷亡柏梁高宴今何在春去  
 春來苦自馳爭名爭利徒爾為久雷郎署終難遇空掃相門誰見知當時  
 一旦擅繁華自言千載長驕奢倏忽搏風生羽翼須臾失浪委泥沙黃雀  
 徒巢桂青門遂種瓜黃金銷鑠素絲變一貴一賤交情見紅顏宿昔白頭  
 新脫粟布衣輕故人故人有煙淪新知無意氣灰死韓安國羅傷翟廷尉  
 已矣哉歸去來馬卿辭蜀多文藻楊雄仕漢之良媒三冬自矜誠足用十  
 年不調幾遭迴汲黯薪逾積孫弘閣未開誰惜長沙傳獨負洛陽才

餘杭醉歌贈吳山人

曉幙紅襟燕春城白頂烏只來梁上語不向府中趨城頭坎坎鼓聲曙滿  
庭新種櫻桃樹桃花昨夜椽亂開當軒發色映樓臺十千兌得餘杭酒二  
月春城長命杯酒後留君待明月還將明月送君回

唐詩選卷之二終

唐詩選卷之三

五言律

微 野望

王績

東臯薄暮望徙倚欲何依樹樹皆秋色山山惟落暉牧人驅犢返獵馬帶  
禽歸相顧無相識長歌懷采薇

庚 從軍行

楊炯

烽火照西京心中自不平牙璋辭鳳闕鐵騎繞龍城雪暗凋旗畫風多雜  
鼓聲寧為百夫長勝作一書生

真 杜少府之任蜀州

王勃

城闕輔三秦風烟望五津與君離別意同是宦遊人海內存知己天涯若  
比鄰無為在岐路兒女共沾巾

唐詩選 卷之二

庚 勉次樂鄉縣

陳子昂

故鄉杳無際日暮旦孤征川原迷舊國道路入邊城野成荒烟斷深山古  
木平如何此時恨嗷嗷夜猿鳴

先 春夜別友人

銀燭吐青烟金尊對綺筵離堂思琴瑟別路繞山川明月隱高樹長河沒  
曉天悠悠洛陽去此會在何年

庚 送別崔著作東征

金天方肅殺白露始專征王師非樂戰之子慎佳兵海氣侵南部邊風掃

北平莫賣盧龍塞歸邀麟閣名

先 蓬萊三殿侍宴奉敕咏終南山

杜審言

北斗挂城邊南山倚殿前雲標金闕迥樹杪玉堂懸半嶺通佳氣中峯繞

瑞烟小臣持獻壽長此戴堯天

真 和晉陵陸丞早春遊望

獨有宦遊人偏驚物候新雲霞出海曙梅柳度江春淑氣催黃鳥晴光轉  
綠蘋忽聞歌古調歸思欲沾巾

寒 和康五望月有懷

明月高秋迥愁人獨夜看暫將弓並曲翻與扇俱團露濯清輝苦風飄素  
影寒羅衣一此鑒頓使別離難

庚 送崔融

君王行出將書記遠從征祖帳連河關軍麾動洛城旌旗朝朝氣笳吹夜  
邊聲坐覺烟塵掃秋風古北平

仄 扈從登封途中作

宋之問



帳殿鬱崔嵬仙遊實壯哉曉雲連幕捲夜火雜星回谷暗千旗出山鳴萬  
乘來扈遊良可賦終之揆天才

陽 送沙門弘景道俊玄莊還荊州應制

一乘歸淨域萬騎餞通莊就日離亭近彌天別路長荆南旋杖鉢渭北限  
津梁何日紆真果還來入帝鄉

蕭 長寧公主東莊侍宴

李嶠

別業臨青甸鳴鑿降紫霄長筵鴈鷺集仙管鳳凰調樹接南山近煙舍北  
渚遙承恩咸已醉戀賞未還鑣

侵 恩敕麗正殿書院賜宴應制得林字

張說

東壁圖書府西園翰墨林誦詩聞國政講易見天心位竊和羹重恩叨醉  
酒深載歌春興曲情竭為知音

微 還至端州驛前與高六別處

舊館分江口淒然望落暉相逢傳旅食臨別換征衣昔記山川是今傷人  
代非往來皆此路生死不同歸

侵 幽州夜飲

涼風吹夜雨蕭瑟動寒林正有高堂宴能忘遲暮心軍中宜劔舞塞上重  
笳音不作邊城將誰知恩遇深

尤 宿雲門寺閣

孫逖

香閣東山下烟花象外幽懸燈千嶂夕卷幔五湖秋畫壁餘鴻雁紗窗宿  
斗牛更疑天路近夢與白雪遊

灰 幸蜀西至劔門

玄宗皇帝

劔閣橫雪峻鑿輿出狩回翠屏千仞合丹嶂五丁開灌木縈旗轉仙雲拂

馬來乘時方在德嗟爾勤銘才

麻 塞下曲

李白

塞虜乘秋下天兵出漢家將軍分虎竹戰士臥龍沙邊月隨弓影胡霜拂  
劍花玉關珠未入少婦莫長嗟

灰 秋思

燕支黃葉落妾望自登臺海上碧雲斷單于秋色來胡兵沙塞合漢使玉  
關回征客無歸日空悲蕙草摧

庚 送友人

青山橫北郭白水遶東城此地一為別孤蓬萬里往浮雲遊子意落日故  
人情揮手自茲去蕭蕭班馬鳴

庚 送友人入蜀

見說蠶叢路崎嶇不易行山從人面起雲傍馬頭生芳樹籠秦棧春流遶  
蜀城升沈應已定不必問君平

東 秋登宣城謝眺北樓

江城如畫裏山曉望晴空兩水夾明鏡雙橋落彩虹人烟寒橘柚秋色老  
梧桐誰念北樓上臨風懷謝公

庚 臨洞庭

孟浩然

八月湖水平涵虛混太清氣蒸雲夢澤波撼岳陽城欲濟無舟楫端居恥  
聖明坐觀垂釣者徒有羨魚情

侵 題義公禪房

義公習禪寂結宇依空林戶外一峰秀階前叢經深夕陽連雨足空翠落  
庭陰看取蓮花淨方知不染心

虞 終南山

王維

太乙近天都，連山到海隅。白雲迴望合，青靄入看無。分野中峰變，陰晴衆  
經殊。欲上人處宿，隔水問樵夫。

冬 過香積寺

不知香積寺，數里入雲峰。古木無人徑，深山何處鐘。泉聲咽危石，日色冷  
青松。薄暮空潭曲，安禪制毒龍。

庚 登辨覺寺

竹逕從初地，蓮峰出化城。窓中三楚盡，林外九江平。嫩艸承趺坐，長松響  
梵聲。空居法雲外，觀世得無生。

尤 送平淡然判官

不識陽關路，新從定遠侯。黃雲斷春色，畫角起邊愁。瀚海經年別，交河出

塞流。須令外國使，知飲月支頭。

真 送劉司直赴安西

絕域陽關道，胡沙與塞塵。三春時有雁，萬里少行人。昔落隨天馬，蒲萄逐  
漢臣。當令外國懼，不敢覓和親。

曹 送邢桂州

鏡吹喧京口，風波下洞庭。緒折將赤岸，擊汰復揚舲。日落江湖白，潮來天  
地青。明珠歸合浦，應逐使臣星。

先 使至塞上

單車欲問邊，屬國過居延。征蓬出漢塞，歸雁入胡天。大漠孤烟直，長河落  
日圓。蕭關逢候騎，都護在燕然。

庚 觀獵

風勁角弓鳴將軍獵渭城州枯鷹眼疾雪盡馬蹄輕忽過新豐市還歸細柳營回看射鵰處千里暮雲平

真 送張子尉南海

岑參

不擇南州尉高堂有老親樓臺重屨氣邑里雜鮫人海暗三山雨花明五嶺春此鄉多寶玉慎勿厭清貧

徵 寄左省杜拾遺

聯步趨丹陛分曹限紫微曉隨天仗入暮惹御香歸白髮悲花落青雲羨鳥飛聖朝無闕事自覺諫書稀

先 登總持閣

高閣逼諸天登臨近日邊晴開萬井樹愁看五陵煙檻外低秦嶺牕中小渭川早知清淨理常願奉金仙

尤

送劉評事文朔方判官賦得征馬嘶

高適

征馬向邊州蕭蕭嘶未休思深常帶別聲斷為兼秋岐路風將遠關山月共愁贈君從此去何日大刀頭

歌 送鄭侍御謫閩中

謫去君無恨閩中我舊過大都秋雁少只是夜猿多東路雲山合南天瘴癘和自當逢雨露行矣慎風波

寒 使清夷軍入居庸

匹馬行將夕征途去轉難不知邊地別秣訝客衣單溪冷泉聲苦山空水葉乾莫言關塞極兩雪尚漫漫

仄 自薊北歸

驅馬薊門北北風邊馬哀蒼茫遠山口豁達胡天開五將已深入前軍止

半迴誰憐不得意長劍獨歸來

先 醉後贈張九旭

世上漫相識此翁殊不然興來書自聖醉後語尤顛白髮老問事青雲在目前床頭一壺酒能更幾回眠

魚 登兗州城樓

杜甫

東郡趨庭日南樓縱目初浮雲連海岱平野入青徐孤嶂秦碑在荒城魯殿餘從來多古意臨眺獨躊躇

庚 房兵曹胡馬

胡馬大宛名鋒稜瘦骨成竹批雙耳峻風入四蹄輕所向無空濶真堪託死生驍騰有如此萬里可橫行

歌 春宿左省

花隱掖垣暮啾啾棲鳥過星臨萬戶動月傍九霄多不寢聽金鑰因風想玉珂明朝有封事數問夜如何

寒 秦州雜詩

鳳林戈未息魚海路常難候火雲峰峻懸軍幕井乾風連西極動月過北庭寒故老思飛將何時議築壇

庚 送遠

帶甲滿天地胡爲君遠行親明盡一哭鞍馬去孤城草木歲月晚關河霜雪清別離已昨日因見古人情

尤 題玄武禪師屋壁

何年顧虎頭滿壁畫滄洲赤日石林氣青天江海流錫飛常近鶴杯渡不驚鷗似得廬山路真隨惠遠遊

尤 玉臺觀

浩劫因王造平臺訪古遊  
絲雲蕭史駐文字魯恭留宮闕  
通羣帝乾坤到十州人傳有  
笙鶴時過北山頭

文 觀李固請司馬題山水圖

方丈渾連水天台總映雲  
人間長見畫老去恨空聞  
范蠡舟偏小王喬鶴不羣  
此生隨萬物何處出塵氛

麻 禹廟

禹廟空山裏秋風落日斜  
荒庭垂橘柚古屋畫龍蛇  
雲氣生虛壁江聲走白沙  
早知乘四載疏鑿控三巴

尤 旅夜書懷

細艸微風岸危檣獨夜舟  
星隨平野濶月湧大江流  
名豈文章著官因老病休  
飄飄何所似天地一沙鷗

先 病休飄飄何所似天地一沙鷗

先 船下夔州郭宿雨濕不得上岸別王十二判官

依沙宿舸船石瀨月娟娟  
風起春燈亂江鳴夜雨懸  
晨鐘雲外濕勝地石堂偏  
柔艣輕鷗外含悽覺汝賢

尤 登岳陽樓

昔聞洞庭水今上岳陽樓  
吳楚東南坼乾坤日夜浮  
親朋無一字老病有孤舟  
戎馬關山北憑軒涕泗流

先 次北固山下

王灣

客路青山外行舟綠水前  
潮平兩岸潤風正一帆懸  
海日生殘夜江春入舊年  
鄉書何處達歸雁洛陽邊

蕭 江南旅清

祖詠

楚山不可極歸路沮蕭條海色晴看兩江聲夜聽潮劍留南斗近書寄北風遙為報空潭橋無媒寄洛橋

侵 蘇氏別業

別業居幽處到來生隱心南山當戶牖澧水映園林竹覆經冬雪庭昏未夕陰寥寥人境外間坐聽春禽

冬 望秦川

李頎

秦川朝望迥日出正東峰遠近山河淨逶迤城闕重秋聲萬戶竹寒色五陵松客有歸與歎淒其霜露濃

微 宿龍興寺

綦毋潛

香利夜忘歸松清古殿扉燈明方丈室珠繫北丘衣白日傳心淨青蓮喻法微天花落不盡處處鳥嘶飛

冬 胡笳曲

王昌齡

城南虜已合一夜幾重圍自有金笳引能令出塞飛聽臨關月苦清入海風微三奏高樓曉胡人掩淚歸

尤 同王徵君洞庭有懷

張謂

八月洞庭秋瀟湘水北流還家萬里夢為客五更愁不用開書帙偏宜上酒樓故人京洛滿何日復同遊

侵 破山寺後禪院

常建

清晨入古寺初日照高林曲徑通幽處禪房花木深山光悅鳥性潭影空人心萬籟此俱寂惟聞鐘磬音

庚 渡楊子江

丁仙芝

桂楫中流望空波兩畔明林開楊子驛山出潤州城海盡邊音靜江寒朔

吹生更聞楓葉下浙歷度秋聲

侵聞笛

張巡

峇崑試一臨虜騎附城陰不辨風塵色安知天地心門開邊月近戰苦陳雲深旦夕更樓上遙聞橫笛音

微岳陽晚景

張均

晚景寒鴉集秋風旅雁歸水光浮日出霞彩映江飛洲白蘆花吐園红柿葉稀長沙早濕地九月未成衣

寒穆陵關北逢人歸漁陽

劉長卿

逢君穆陵路匹馬向秦乾楚國蒼山古幽州白日寒城池百戰後者舊幾家殘處處蓬蒿歸人掩淚看

東題松汀驛

張祐

山色遠含空蒼茫澤國東海明先見日江白迥聞風鳥道高原去人烟小徑通那知舊遺逸不在五湖中

歌聖果寺

釋處默

路自中峰上盤回出薜蘿到江吳地盡隔岸越山多古木叢青靄遙天浸白波下方城郭近鐘磬雜笙歌



唐詩選卷之四

五言排律

東 送劉校書從軍

楊炯

天將下三宮星門列五戎坐謀資廟略飛檄佇文雄赤土流星劍烏號明月弓秋陰生蜀道殺氣繞滄中風雨何年別琴樽此日同離亭不可望溝水自西東

蕭 靈隱寺

駱賓王

驚嶺鬱蒼龍宮鎖寂寥樓觀滄海日門對浙江潮桂子月中落天香雲外飄門蘿登塔遠剝木取泉遙霜薄花更發水輕葉互凋夙齡尚遐異披對滌煩囂待天台路看余渡石橋

文 宿温城望軍營

虜地寒膠折邊城夜析聞兵符開帝闕天策動將軍塞靜胡笳徹沙明楚練分風旗翻翼影霜斂轉龍文白羽搖如月青山斷若雲烟疎疑卷幔塵滅似銷氣投筆懷班業臨戎想顧勲還應雪漢恥持此報明君

文 在廣聞崔馬二御史並登相臺

蘇味道

振鷺纒飛日遷鶯遠聽聞明光共待漏清覽各披雲喜得廊廟舉嗟為臺閣分故林懷木悅新握阻蘭薰冠去神羊影車迎瑞雉羣遠從南斗外遙望列星文

魚 奉和幸韋嗣立山莊應制

李嶠

南洛師臣契東巖王佐居幽情遺綬冕宸眷矚樵漁制下岵山蹕恩回灞水輿松門駐旌蓋薛幄引簪裾石磴平黃陸烟樓半紫虛雲霞仙路近琴酒俗塵疎喬木千齡外懸泉百丈餘崖深經鍊藥穴古舊藏書樹宿搏風

鳥池潛縱壑魚寧知天子貴尚憶武侯廬

東 白帝城懷古

陳子昂

日落滄江颯停橈問土風城臨巴子國臺沒漢王宮荒服仍周甸深山尚  
禹功巖懸青辟斷地險碧流通古木生雲際歸帆出霧中川途去無限客  
思坐何窮

虞 峴山懷古

秣馬臨荒甸登高覽舊都猶悲墮淚碣尚想臥龍圖城邑遙分楚山川半  
入吳丘陵徒自出賢聖幾凋枯野樹蒼烟斷津樓晚氣孤誰知萬里客懷  
古正踟躕

徵 贈蘇味道

杜審言

北地寒應苦南城戍不歸邊聲亂羌笛朔氣捲戎衣雨雪關山暗風霜艸

木稀胡兵戰欲盡漢卒尚重圍雲淨妖星落秋高塞馬肥據鞍雄劍動搖  
筆羽書飛輿駕還京邑朋遊滿帝畿方期來獻凱歌舞共春暉

酬蘇員外味玄夏晚寓直省中見贈

沈佺期

並命登仙閣通宵直禮闈大官供宿膳侍史護朝衣卷幔天河入開窗月  
露微小池殘暑退高樹蚤涼歸冠劍無時釋軒車待漏飛明朝題漢柱三  
署有光輝

仄 同韋舍人早朝

閶闔連雲起巖廊拂霧開玉珂龍影度珠履雁行來長樂宵鐘盡明光曉  
奏催一經傳舊德五字擢英材儼若神仙去紛從霄漢回千春奉休曆分  
禁喜趨陪

東 奉和幸長安故城未央宮應制

宋之問

漢王未息戰蕭相乃營宮壯麗一朝盡威靈千載空皇明  
羣公寒輕綵仗外春發慢城中樂思迴斜日歌詞繼大風  
今朝天子貴不假叔孫通

奉和晦日幸昆明池應制

春豫靈池會滄波帳殿開舟凌石鯨度槎拂斗牛迴節晦  
賞全落春遲柳暗催象溟看浴景燒劫辨沈灰鑄飲周文樂  
汾歌漢武才不愁明月盡自有夜珠來

和姚給事寓直之作

清論滿朝陽高才拜夕郎還從避馬路來接珥貂行寵就  
黃扉日威迴白簡霜柏基遷鳥茂蘭署得人芳禁靜鐘初徹  
更疎漏更長曉河低武庫流火度文昌寓直光輝重乘秋藻  
翰揚暗投空欲報下調不成章

早發始興江口至虛氏村作

候曉踰閩嶂乘春望越臺宿雲鵬際落殘月蚌中開薜荔  
搖青氣枕櫂翳碧苔桂香多露裊石響細泉回抱葉玄猿嘯  
銜花翡翠來南中雖可悅北思日悠哉鬢髮俄成素丹心已  
作灰何當首歸路行翦故園萊

同餞楊將軍兼原州都督御史中丞 蘇題

右地接龜沙中朝任虎牙然明方改俗去病不為家將禮  
登壇盛軍容出塞華朔風搖漢鼓邊月思胡笳旗合無邀正  
冠危有觸邪當看勞旋日及此御溝花

奉和聖製途經華嶽

西嶽鎮皇京中峰入太清玉鑾重嶺應緹騎薄雲迎白日懸  
高掌寒空映削成軒遊會神處漢幸望仙情舊廟青林古新  
碑綠字生羣臣願封代

駕勒鴻名

奉和聖製早度蒲關

張九齡

魏武中流處軒皇問道迴長堤春樹發高掌曙雲開龍負王舟度人占仙氣來河津會日月天仗役風雷東顧重關盡西馳萬國陪還聞股肱郡元首咏康哉

侵 和許給事直夜簡諸公

未央鐘漏晚仙宇靄沈沈武衛千廬合嚴局萬尸深左掖知天近南窻見月臨樹搖金掌露庭接玉樓陰他日聞更直中宵屬所欽聲華大國寶夙夜侍臣心逸興乘高閣雄飛在禁林寧思竊抃者情發為知音

東 酬趙二侍御史西軍贈兩省舊寮之作

石室先鳴者金門待制同操刀常願割持斧竟稱雄應敵兵初起綵邊虜

欲空使車經隨月征旆繞河風忽枉兼金訊非徒秣馬功氣清蒲海曲聲

蒲柏臺中願已塵華省欣君震遠戎明時獨匪報常欲退微躬

庚 奉和聖製送尚書燕國公說赴朔方軍

宗臣事有征廟算在休兵天與三台座人當萬里城朔南方偃華河右暫揚旌寵賜從仙禁光華出帝京山川勤遠略原濕軫皇情為奏薰琴倡仍題瑤劍名聞風六郡勇計曰五戎平山甫歸應疾留侯功復成歌鐘旋可望枕席豈難行四牡何時入吾君聽履聲

尤 奉和聖製暮春送朝集使歸郡應制 王維

萬國仰宗周衣冠拜冕旒玉乘迎大客金節送諸侯祖席傾三省褰帷向九州楊花飛上路槐色蔭通溝來預鈞天樂歸分漢主憂宸章類河漢垂象滿中州

侵 送李太守赴上洛

商山包楚鄧積翠藹沈沈驛路飛泉灑關門落照深野花開古戍行客響  
空林板屋春多雨山城畫欲陰丹泉通號略白羽抵荆岑若見西山爽應  
知黃綺心

送秘書晁監還日本

積水不可極安知滄海東九州河處遠萬里若乘空向國惟看日歸帆但  
信風鰲身映天黑魚眼射波紅鄉國扶桑外主人孤島中別離方異域音  
信若為通

庚 送儲邕之武昌

李白

黃鶴西樓月長江萬里情春風三十度空憶武昌城送爾難為別銜杯惜未傾  
湖連張樂地山逐泛舟行諾謂楚人重詩傳謝朓清滄浪吾有曲寄入權欒聲

支 郡張丞相自松滋江東泊渚宮

孟浩然

放溜下松滋登舟命楫師寧忘經濟日不憚涸寒時洗幘豈獨古濯纓良  
左茲政成人自理機息鳥無疑雲物凝孤嶼江山辨四維晚來風稍緊冬  
至日行遲獵響驚雲夢漁歌激楚辭渚宮何處是川暝欲安之

豪 送柴司戶充劉鄴判官之嶺外

高適

嶺外資雄鎮朝端寵節旄月卿臨幕府皇使出詞曹海對羊城潤山連象  
郡高風霜驅瘴癘忠信涉波濤別恨隨流水交情脫寶刀有才無不適用  
矣莫徒勞

東 陪竇待御泛靈雲池

白雲先時降清川思不窮江湖仍塞上舟楫在軍中舞換臨津樹歌饒向  
颯風夕陽連積水邊色滿秋空乘興宜投轄邀歡莫避聰誰憐持弱羽猶

欲伴鷓鴣

行次昭陵

杜甫

舊俗疲庸主，群雄問獨夫。讖歸龍鳳質，威定虎狼都。天屬尊堯典，神功協禹謨。風雲隨絕足，日月繼高衢。文物多師古，朝廷半老儒。直詞寧戮辱，賢路不崎嶇。往者災猶降，蒼生喘未蘇。指揮安率土，盪滌撫洪鑪。壯士悲陵邑，幽人拜鼎湖。玉衣晨自舉，鐵馬汗常趨。松柏瞻虛殿，塵沙立暝途。寂寥開國日，流恨滿山隅。

微

重經昭陵

草昧英雄起，謳歌曆數歸。風塵三尺劍，社稷一戎衣。翼亮貞文德，丕承戢武威。聖圖天廣大，宗祀日光輝。陵寢盤空曲，熊羆守翠微。再窺松柏路，還見五雲飛。

臺

王閬州筵春酬十一舅惜別之作

萬壑樹聲滿，千崖秋氣高。浮舟出郡郭，別酒寄江濤。良會不復久，此生何太勞。窮愁但有骨，羣盜尚如毛。吾舅惜分手，使君寒贈袍。沙頭暮黃鶴，失侶亦哀號。

麻

春歸

苔徑臨江竹，茅簷覆地花。別來頻甲子，歸到忽春華。倚杖看孤石，傾壺就淺沙。遠鷗浮水靜，輕燕受風斜。世路雖多梗，吾生亦有涯。此身醒復醉，乘興即為家。

眞

江陵望幸

雄都尤壯麗，望幸歛威神。地利西通蜀，天文北照秦。風煙含越鳥，舟楫控吳人。未枉周王駕，終期漢武巡。甲兵分聖旨，居守付宗臣。早發雲臺仗，思

波起涸鱗

陽 奉觀嚴鄭公廳事岷山沱江圖

沱水臨中座岷山赴北堂  
白波吹粉壁青嶂挿雕梁  
直訝杉松冷兼疑菱苻  
香雪雲虛點綴沙州得  
微茫嶺雁隨毫末川電  
飲練光霏紅州蕊亂拂  
黛石蘿長暗谷非關雨  
丹楓不為霜秋城玄圃  
外景物洞庭傷繪事功  
殊絕幽襟興激昂從來  
謝太傅丘壑道難忘

陽 冬日洛城北謁玄元皇帝廟廟有吳道士 畫五聖圖

配極玄都闕憑高禁籟長  
守祧嚴具禮掌節鎮非  
常碧瓦初寒外金莖一  
氣旁山河扶繡戶日月  
近雕梁仙李盤根大倚  
蘭奕葉光世家遺舊史  
道德付今王畫手看先  
輩吳生遠擅場森羅移  
地軸妙絕動宮牆五聖  
聯龍袞千官列雁行冕  
旒俱秀發旌旆盡飛揚  
翠柏深留景紅梨迥得  
霜風箏

寒 吹玉柱露井凍銀床  
身退卑周室經傳拱漢  
皇谷神如不死養拙更  
何鄉 聖善閣送裴迪入京 李 頎

雪華滿高閣苔色上勾欄  
藥艸空階靜梧桐返照  
寒清吟可愈病攜手暫  
同觀墜葉和金磬饑鳥  
鳴露盤伊流惜東別灞  
水向西看舊託含香署  
雲霄何足難

齊 早秋與諸子登魏州西亭觀眺 岑 參

亭高出鳥外客到與雲齊  
樹點千家小天園萬嶺  
低殘虹挂陝北急雨過  
關西酒榼綠青壁瓜田  
傍綠溪微官何足道愛  
客且相攜唯有鄉園處  
依依望不迷

真 清明宴司勳劉郎中別業 祖 詠

田家復近臣行樂不違親  
霽日園林好清明烟火  
新以文常會友惟德自

成隣池照窓陰晚杯香藥味春欄前花覆地竹外鳥窺人河心桃源裏深居作隱淪

微 奉使巡檢兩京路種果樹事畢入秦因詠歌 鄭 審

聖德周天壤韶華滿帝畿九重承渙汗千里樹芳菲陝塞餘陰薄關河舊色微發生和氣動封植衆心歸春露條應弱秋霜果定肥影移行子蓋香樸使臣衣入徑述馳道分行接禁闈何當扈仙蹕攀折奉恩輝

庚 行營酬呂侍御 劉長卿

不敢淮南臥來趨漢將營受辭瞻左鉞扶疾拜前旌井稅鶉衣樂壺漿鶴髮迎水歸餘斷岸烽至掩孤城晚日當千騎秋風合五兵孔璋才素健早晚檄書成

庚 送鄭說之歙州謁薛侍郎

漂泊來千里謳歌滿百城漢家尊大守魯國重諸生俗變人難理江傳水至清船經危石住路入亂山行老得滄洲趣春傷白首情嘗聞馬南郡門下有康成



唐詩選卷之五

七言律

陽 古意

沈佺期

盧家少婦鬱金堂，海燕雙棲玳瑁梁。九月寒砧催木葉，十年征戍憶遼陽。白狼河北音書斷，丹鳳城南秋夜長。誰為念愁獨不見，更教明月照流黃。

微 龍池篇

龍池躍龍龍已飛，龍德先天天不違。池開天漢分黃道，龍向天門入紫微。邛笈樓臺多氣色，君王鳧雁有光輝。為報寰中百川水，來朝此地莫東歸。

先 待宴安樂公主新宅應制

皇家貴主好神仙，別業初開雲漢邊。山出盡如鳴鳳嶺，池成不讓餘龍川。粧樓翠幌教春住，舞閣金鋪借日懸。敬從乘輿來此地，稱觴獻壽樂鈞天。

陽 紅樓院應制

紅樓疑見白毫光，寺逼宸居福盛唐。支遁愛山情漫切，曇摩泛海路空長。

經聲夜息聞天語，鑪氣晨颺接御香。誰謂此中難可到，自憐深院得徊翔。

先 再入道場紀事應制

南方歸去再生天，內殿今年異昔年。見闕乾坤新定位，看題日月更高懸。行隨香輦登仙路，坐近爐烟講法筵。自喜深恩陪侍從，兩朝長在聖人前。

交 適同杜員外審言過嶺

天長地潤嶺頭分，去國離家見白雲。洛浦風光何所似，崇山瘴癘不堪聞。南浮漲海人何處，北望衡陽雁幾群。兩地江山萬餘里，何時重謁聖明君。

先 興慶池侍宴應制

韋元且

滄池漭沆帝城邊，殊勝昆明鑿漢年。夾岸旌旗疏輦道，中流簫鼓振樓船。雲峯四起迎宸幄，水樹千重入御筵。宴樂已深魚藻咏，承恩更欲奏甘泉。

支 待宴安樂公主新宅應制

蘇頌

駸駸羽騎歷城池，帝女樓臺向晚披。露灑旌旗雲外出，風廻巖岫雨中移。

當軒半落天河水遠徑全低月樹枝簫鼓宸遊陪宴日和鳴雙鳳喜來儀

先 奉和春日幸望春宮應制

東望望春春可憐更逢晴日柳念烟宮中下見南山盡城上平臨北斗懸  
細草福承回輦處飛花故落舞觴前宸遊對此歡無極鳥弄歌聲雜管絃

先 奉和初春幸太平公主南莊應制

主第山門起灞川宸遊風景入初年鳳皇樓下交天仗烏鵲橋頭敞御筵  
往往花間逢綵石時時竹裏見紅泉今朝扈蹕平陽館不羨乘槎雲漢邊

灰 幽州新歲作

張說

去歲荆南梅似雪今年薊北雪如梅共知人事何嘗定且喜年華去復來  
邊鎮戍歌連日動京城燎火徹明開遙遙西向長安日願上南山壽一杯

庚 滄湖山寺

空山寂歷道心生虛谷迢迢野鳥聲禪室從來雲外賞香臺豈是世中情

雲間東嶺千重出樹裏南湖一片明若使巢由同此意不將蘿薜易簪纓

文 遙同蔡起居偃松篇

清都衆木總榮芬傳道孤松最出羣名接天庭多景色氣連宮闕借氛氲  
懸池的的停華露偃蓋重重拂瑞雲不惜流膏助仙鼎願將楨幹捧明君

奉和春日出苑曝日應令

賈會

銅龍曉闕問安廻金輅春遊博望開涓水晴光搖草樹終南佳氣入樓臺  
招賢已從商山老託乘還徵鄴下才臣在東南獨留滯忻逢睿藻日邇來

微 奉和初春幸太平公主南莊應制

李邕

傳聞銀漢支機石復見金輿出紫微織女橋邊烏鵲起仙人樓上鳳皇飛  
流風入座飄歌扇瀑水當階濺舞衣今日還同犯牛斗乘槎共泛海潮歸

灰 和左司張員外自洛使入京中路先赴長安逢立春日贈韋侍御

及諸公

遜 逃

忽觀雲間數雁迴更逢山上一花開河邊淑氣迎芳艸林下輕風待落梅  
秋憲府中高唱入春鄉署裏和歌來共言東閣招賢地自有西征作賦才

黃鶴樓

崔 顥

昔人已乘白雲去此地空餘黃鶴樓黃鶴一去不復返白雲千載空悠悠  
晴川歷歷漢陽樹芳艸萋萋鸚鵡洲日暮鄉關何處是烟波江上使人愁

行經華陰

李 白

岧峣太華俯咸京天外三峰削不成武帝祠前雲欲散仙人掌上雨初晴  
河山北枕秦關險驛路西連漢時平借問路傍名利客無如此處學長生

登金陵鳳皇臺

李 白

鳳皇臺上鳳皇遊鳳去臺空江自流吳宮花艸埋幽徑晉代衣冠成古丘  
三山半落青天外二水中分白鷺洲總為浮雲能蔽日長安不見使人愁

早朝大明宮呈兩省僚友

賈 至

銀獨朝天紫陌長禁城春色曉蒼蒼千條弱柳垂青瑣百轉流鶯遶建章  
劍佩聲隨玉墀步衣冠身惹御爐香共沐恩波鳳池上朝朝深翰侍君王

和賈至舍人早朝大明宮之作

王 維

絳幘雞人報曉籌尚衣方進翠雲裘九天閭闔宮殿萬國衣冠拜冕旒  
日色纔臨仙掌動香烟欲傍衮龍浮朝罷須裁五色詔珮聲歸到鳳池頭

和太常韋主簿五郎溫泉寓目

王 維

漢主離宮接露臺秦川一半夕陽開青山盡是朱旗繞碧澗翻從玉殿來  
新豐樹裏行人度小苑城邊獵騎回聞說甘泉能獻賦懸知獨有子雲才

大同殿生玉芝龍池上有慶雲百官共觀聖恩便賜燕樂敢書即事

王 維

欲笑周文詞燕鎬還輕漢武樂橫汾豈知玉殿生三秀詎有銅池出五雲  
陌上堯尊傾北斗樓前舜樂動南薰共觀天意同人意萬歲千秋奉聖君

奉和聖製從蓬萊向興慶閣道中留春雨中春望之作應制

王 維

渭水自縈秦塞曲黃山舊繞漢宮斜鸞輿迥出千門柳閣道迴看上苑花  
雲裏帝城雙鳳闕雨中春樹萬人家為乘陽氣行時令不是宸遊玩物華

寒 敕賜百官櫻桃

芙蓉闕下會千官紫禁朱櫻出上蘭纔是寢園春薦後非關御苑鳥銜殘  
歸鞍競帶青絲籠中使頻傾赤玉盤飽食不須愁內熱大官還有蔗漿寒

寒 酌酒與裴迪

酌酒與君君自寬人情翻覆似波瀾白首相知猶按劍朱門先達笑彈冠  
艸色全經細雨濕花枝欲動春風寒世事浮雲河足問不如高臥且加餐

微 酬郭給事

洞門高閣靄餘暉桃李陰陰柳絮飛禁裏疎鐘官舍晚省中啼鳥吏人稀  
晨搖玉佩趨金殿夕奉天書拜瑣闈強欲從君無那老將因臥病解朝衣

庚 過乘如禪師蕭居士嵩丘蘭若

無著天親第與兄嵩丘蘭若一峯晴食隨鳴磬巢鳥下行踏空林落葉聲  
逆水定侵香案濕雨花應共石牀平深洞長松何所有儼然天竺古先生

灰 奉和聖製從蓬萊向興慶閣道中留春雨中春望之作應制李澄

別館春還淑氣催三宮路轉鳳皇臺雲飛北闕輕陰散雨歇南山積翠來

御柳遙隨天伏發林花不待晚風開已知聖澤深無限更喜年芳入睿才

歌 送魏萬之京

朝聞遊子唱離歌昨夜微霜初度河鴻雁不堪愁裏聽雲山况是客中過  
關城曙色催寒近御苑砧聲向晚多莫是長安行樂處空令歲月易蹉跎

陽 寄盧司勳員外

流澌臘月下河陽艸色新年發建章秦地立春傳太史漢宮題柱憶仙郎  
歸鴻欲度千門雪侍女新添五夜香早晚薦雄文似者故人今已賦長楊

侵 題璿公山池

遠公遁跡廬山岑開士幽居祇樹林片石孤雲窺色相清池皓月照禪心  
指揮如意天花落坐臥閑房春草深此外俗塵都不染唯餘玄度得相尋

陽 寄綦母三

新加大邑綬仍黃近與單車向洛陽  
顧盼一過丞相府風流三接令公香  
南川粳稻花侵縣西嶺雲霞色滿堂  
共道進賢蒙上賞看君幾歲作臺郎

東 送李回

知君官屬大司農詔幸驪山職事雄  
歲發金錢供御府晝看仙液注離宮  
千巖曙雪旗門上十月寒花輦路中  
不覩聲名與文物自傷留滯去關東

微 宿瑩公禪房聞梵

花宮仙梵遠微微月隱高城鐘漏稀  
夜動霜林驚落葉曉聞天籟發清機  
蕭條已入寒空靜颯杳仍隨秋雨飛  
始覺浮生無住著頓令心地欲歸依

物左人亡無見期  
庭繫馬不勝悲  
窓前綠竹生空地  
門外青山似舊時

庚 望薊門 祖詠  
悵望青天鳴墜葉  
噴岼枯柳宿寒鴟  
憶君淚落東流水  
歲歲花開知爲誰

燕臺一去客心驚  
笙鼓喧喧漢將營  
萬里寒光生積雪  
二邊曙色動危旌

沙場烽火侵胡月  
海畔雲山擁薊城  
少小雖非投筆吏  
論功還欲請長纓

灰 九日登仙臺呈劉明府 崔署  
漢文皇帝有高臺  
此日登臨曙色開  
二晉雲山皆北向  
二陵風雨自東來

關門令尹誰能識  
河上仙翁去不回  
且欲近尋彭澤宰  
陶然共醉菊花杯

麻 五日觀妓 萬楚  
西施謾道浣春紗  
碧玉今時鬪麗華  
眉黛奪將萱草色  
紅裙妬殺石榴花

寒 新歌一曲令人豔  
醉舞雙眸斂鬢斜  
誰道五絲能續命  
却令今日死君家

杜侍御送貢物戲贈

張謂

銅柱朱崖道路難伏波橫海舊登壇越人自貢珊瑚樹漢使何勞解豸冠  
疲馬山中愁日晚孤舟江上畏春寒由來此貨稱難得多恐君王不忍看

魚 送李少府貶峽中王少府貶長沙 高適

嗟君此別意何如駐馬御杯問謫居巫峽啼猿數行淚衡陽歸雁幾封書  
青楓江上秋天遠白帝城邊古木疎聖代即今多雨露暫時分手躊躇

庚 夜別韋司士

高館張燈酒復清夜鐘殘月雁歸聲只言啼鳥堪求侶無那春風欲送行  
黃河曲裏沙為岸白馬津邊柳向城莫怨他鄉暫離別知君到處有逢迎

寒 和賈至舍人早朝大明宮之作 岑參

雞鳴紫陌曙光寒鶯囀皇州春色闌金闕曉鐘開萬戶玉階仙仗擁千官  
花迎劍佩星初落柳拂旌旗露未乾獨有鳳凰池上客陽春一曲和皆難

微 和祠部王員外雪後早朝即事

長安雪後似春歸積素凝華連曙暉色借玉珂述曉騎光添銀燭晃朝衣  
西山落月臨天仗北闕晴雲捧禁闈聞道仙郎歌白雪由來此曲和人稀

微 西掖省即事

西掖重雲開曙暉北山疎雨點朝衣千門柳色連青瑣三殿花香入紫微  
平明端笏陪鵷列薄暮垂鞭信馬歸官拙自悲頭白盡不如巖下偃荆扉

支 九日使君席奉餞衛中丞赴長水

節使橫行西出師鳴弓擐甲羽林兒臺上霜威凌草木軍中殺氣傍旌旗  
預知漢將宜威日正是胡塵欲滅時為報使君多泛菊更將絃管醉東籬

齊 首春渭西郊行呈藍田張二主簿

回風度雨渭城西細草新花踏作泥秦女峰頭雪未盡胡公陂上日初低  
愁窺白髮羞微祿悔別青山憶舊溪聞道朝川多勝事玉壺春酒正堪攜

暮春虢州東亭送李司馬歸扶風別廬

柳擘鶯嬌花復股紅亭綠酒送君還到來函谷愁中月歸去碯溪夢裏山  
簷前春色應須惜世上浮名好是閒西望鄉關腸欲斷對君衫袖淚痕斑

萬歲樓

王昌齡

江上魏魏萬歲樓不知經歷幾千秋年年喜見山長在日日悲看水獨流  
猿猱何曾離暮嶺鷓鴣空自泛寒洲誰堪登望雪烟裏向晚茫茫發旅愁

題張氏隱居

杜甫

春山無伴獨相求伐木丁丁山更幽澗道餘寒歷水雪石門斜日到林丘  
不貧夜識金銀氣遠害朝看麋鹿遊乘興杳然迷出處對君疑是泛虛舟

宣政殿退朝晚出左掖

天門日射黃金榜春殿晴曛赤羽旗宮州菲菲承委珮爐烟細細駐遊絲

雲近蓬萊常五色雪殘鳩鵲亦多時侍臣緩步歸青瑱退食從容出每遲

紫宸殿退朝口號

戶外昭容紫袖垂雙瞻御座引朝儀香飄合殿春風轉花覆千官淑景移  
畫漏稀聞高閣報天顏有喜近臣知宮中每出歸東省會送夢龍集鳳池

曲江對酒

苑外江頭坐不歸水昌宮殿轉霏微桃花細逐楊花落黃鳥時兼白鳥飛  
縱飲久拚人共棄懶朝真與世相違吏情更覺滄洲遠老大徒傷未拂衣

九日藍田崔氏莊

老去悲秋強自寬興來今日盡君歡羞將短髮還吹帽笑倩旁人爲正冠  
藍水遠從千澗落玉山高並兩峰寒明年此會知誰健醉把茱萸仔細看

望野

蕭

西山白雪三城戍南浦清江萬里橋海內風塵諸弟隔天涯涕淚一身遙  
惟將遲暮供多病未有涓埃答聖朝跨馬出郊時極目不堪人事日蕭條

侵 登樓

花近高楼傷客心萬方多難此登臨錦江春色來天地玉壘浮雲變古今  
北極朝廷終不改西山寇盜莫相侵可憐後主還祠廟日暮聊為梁甫吟

侵 秋興四首

玉露凋傷楓樹林巫山巫峽氣蕭森江間波浪兼天湧塞上風雲接地陰  
叢菊兩開他日淚孤舟一繫故園心寒衣處處催刀尺白帝城高急暮砧

微 二

千家山郭靜朝暉日日江樓坐翠微信宿漁人還泛泛清秋燕子故飛飛  
匡衡抗疏功名薄劉向傳經心事違同學少年多不賤五陵衣馬自輕肥

剛 三

蓬萊宮闕對南山承露金莖霄漢間西望瑤池降王母東來紫氣滿函關  
雲移雉尾開宮扇日繞龍鱗識聖顏一臥滄江驚歲晚幾回青瑣點朝班

東 三

昆明池水漢時功武帝旌旗在眼中織女機絲虛夜月石鯨鱗甲動秋風  
波漂菰米沈雲黑露冷蓮房墜粉紅關塞極天惟鳥道江湖滿地一漁翁

庚 吹笛

吹笛秋山風月清誰家巧作斷腸聲風飄律呂相和切月傍關山幾處明  
胡騎中宵堪北走武陵一曲想南征故園楊柳今搖落何得愁中却盡生

蕭 閣夜

歲暮陰陽催短景天涯風雪霽寒宵五更鼓角聲非壯三峽星河影動搖



野哭千家聞戰伐，夷歌幾處起漁樵。想臥龍躍馬終黃土，人事音書漫寂寥。

元 返照

楚王宮北正黃昏，白帝城西過雨痕。返照入江翻石壁，歸雲擁樹失山村。衰年病肺惟高枕，絕塞愁時早閉門。不可久留豺虎亂，南方實有未招魂。

仄 登高

風急天高猿嘯哀，渚清沙白鳥飛迴。無邊落木蕭蕭下，不盡長江衮衮來。萬里悲愁常作客，百年多病獨登臺。艱難苦恨繁霜鬢，潦倒新停濁酒杯。

侵 闕下贈裴舍人

二月黃鸝飛上林，春城紫禁曉陰陰。長樂鐘聲花外盡，龍池柳色雨中深。

陽和不散窮途恨，霄漢長懸捧日心。獻賦十年猶未遇，羞將白髮對華簪。

陽 和王員外晴雪早朝

紫微晴雪帶恩光，繞仗偏隨鴛鴦行。長信月留寧避曉，宜春花滿不飛香。獨着積素凝清禁，已覺輕寒讓大陽。題柱盛名兼絕唱，風流誰繼漢田郎。

東 自鞏洛舟行入黃河即事寄府縣寮友

夾水蒼山路向東，東南山豁大河通。寒樹依微遠天外，夕陽明滅亂流中。

孤村幾歲臨伊岸，一雁初晴下朔風。為報洛橋遊宦侶，扁舟不繫與心同。

東 贈錢起秋夜宿靈臺寺見寄

石林精舍武溪東，夜叩禪扉謁遠公。月在上方諸品靜，心持半偈萬緣空。

蒼苔古道行應遍，落木寒泉聽不窮。更憶雙峰最高頂，此心期與故人同。

剛 長安春望

東風吹雨過青山，卻望千門艸色間。家在夢中何日到，春來江上幾人還。

川原繚繞浮雲外，宮闕參差落照間。誰念為儒逢世難，獨將衰鬢客秦關。

陽 陸勝宅秋雨中探韻同前

張南史

同人永日自相將深竹間園偶辟疆已被秋風教憶繪更聞寒雨勸飛鴉  
歸心莫問三江水旅服從沾九日霜醉裏欲尋騎馬路蕭條是處有垂楊

先 鹽州過胡兒飲馬泉

李益

緣楊著水草如烟舊是胡兒飲馬泉幾處吹笳明月夜何人倚劍白雲天  
從來凍合關山道今日分流漢使前莫遣行人照客鬢恐驚憔悴入新年

陽 登柳州城樓寄漳汀封連四州刺史

柳宗元

城上高樓接大荒海天愁思正茫茫驚風亂颭芙蓉水密雨斜侵薜荔牆  
嶺樹重遮千里目江流曲似九迴腸共來百粵文身地猶自音書滯一鄉

象 奉和庫部盧四兄曹長元日朝迴

韓愈

天仗宵嚴建羽旄春雲送色曉雞號金爐香動螭頭暗玉佩聲來雉尾高  
戎服上趨承北極儒冠列侍映東曹太平時節身難遇郎署何須笑一一毛

唐詩選卷之六

五言絕句

先 題袁氏別業

主人不相識，偶坐為林泉。莫謾愁沽酒，囊中自有錢。

賀知章

先 夜送趙縱

趙氏連城壁，曲來天下傳。送君還舊府，明月滿前川。

楊炯

寒 易水送別

此地別燕丹，壯士髮衝冠。昔時人已沒，今日水猶寒。

駱賓王

東 贈喬侍御

漢庭榮巧宦，雲閣薄邊功。可憐驄馬使，白首為誰雄。

陳子昂

支 子夜春歌

陌頭楊柳枝，已被春風吹。妾心正斷絕，君懷那得知。

郭振

真 南樓望

去國三巴遠，登樓萬里春。傷心江上客，不是故鄉人。

盧僎

文 汾上驚秋

北風吹白雲，萬里渡河汾。心緒逢搖落，秋聲不可聞。

蘇頌

庚 蜀道後期

客心爭日月，來往預期程。秋風不相待，先至洛陽城。

張說

先 照鏡見白髮

宿昔青雲志，蹉跎白髮年。誰知明鏡裏，形影自相憐。

張九齡

真 同洛陽李少府觀永樂公主入蕃

邊地鶯花少年來，未覺新美人。天上落龍塞，始應春

遜 逖

唐詩選

卷之六

李太白

陽

靜夜思

李

白

牀前看月光疑是地上霜舉頭望山月低頭思故鄉

支

怨清

美人捲珠簾深坐嘔蛾眉但見淚痕溼不知心恨誰

陽

秋浦歌

白髮三千丈緣愁似個長不知明鏡裡何處得秋霜

山

獨坐敬亭山

衆鳥高飛盡孤雲獨去間相看兩不厭只有敬亭山

魚

見京兆韋參軍量移東陽

潮水還歸海流人卻到吳相逢問愁苦淚盡日南珠

職

臨高臺

王

維

相送臨高臺川原杳何極日暮飛鳥還行人去不息

庚

班婕妤

怪來妝閣閉朝下不相迎總向春園裏花間笑語聲

庚

雜詩

已見寒梅發復聞啼鳥聲愁心視春草畏向玉階生

養

上声 鹿柴

空山不見人但聞人語響返景入深林復照青苔上

嘯

去声

竹林館

獨坐幽篁裏彈琴復長嘯深林人不知明月來相照

庚

長信草

崔國輔

長信宮中艸年年愁處生時侵珠履跡不使玉階行

唐詩選

卷之六

三

庚 少年行

遺却珊瑚鞭白馬騎不行  
章臺折楊柳春日路傍情

侵 送朱大入秦

遊人五陵去寶劍直千全  
分手脫相贈平生一片心

籛 上声 春曉

春眠不覺曉處處聞啼鳥  
夜來風雨聲花落知多少

真 洛陽訪袁拾遺不遇

洛陽訪才子江嶺作流人  
聞說梅花早何如此地春

歌 洛陽道獻呂四郎中

大道直如髮春日佳氣多  
五陵貴公子雙雙鳴玉珂

先 長安道

鳴鞭過酒肆袂服遊倡門  
百萬一時盡含情無片言

庚 關山月

一雁過連營繁霜覆古城  
胡笳在何處半夜起邊聲

侵 送郭司倉

映門淮水綠留騎主人  
心明月隨良掾春潮夜夜深

元 答武陵田太守

仗劍行千里微軀敢一言  
曾為大梁客不負信陵恩

養 上声 孟城坳

結廬古城下時登古城上  
古城非疇昔今人自來往

陌 鹿柴

日夕見寒山便為獨往客  
不知松林事但有磨麈跡

裴迪

王昌齡

儲光義

孟浩然

歌 復愁

萬國尚戎馬故園今若何昔歸相識少蚤已戰場多

杜甫

先 絕句

江碧鳥逾白山青花欲然今春看又過何日是歸年

崔顥

陽 長安行

君家住何處妾住在橫塘停船暫借問或恐是同鄉

高適

寒 詠史

尚有緜袍贈應憐范叔寒不知天下士猶作布衣看

虞 田家春望

出門何所見春色滿平蕪可歎無知己高陽一酒徒

岑參

灰 行軍九日思長安故園

強欲登高去無人送酒來遙憐故園菊應傷戰場開

尤 見渭水思秦川

渭水東流去何時到雍州憑添兩行淚寄向故園流

王之渙

尤 登鶴鵲樓

白日依山盡黃河入海流欲窮千里目更上一層樓

祖詠

寒 終南望餘雪

終南陰嶺秀積雪浮雲端林表明霽色城中增暮寒

李適之

灰 罷相作

避賢初罷相樂聖日銜盃為問門前客今朝幾箇來

李頎

支 奉送五叔入京兼寄綦母三

陰雲帶殘日悵別此何時欲望黃山道無由見所思

微 左掖梨花

冷艷全欺雪餘香乍入衣春風日莫定吹向王階飛

丘為

侵 九日陪元魯山登北城畱別

蕭穎士

綿連淫川迥杳渺鴉路深彭澤興不淺臨風動歸心

虞 平蕃曲

劉長卿

渺渺戍烟孤茫茫塞艸枯隴頭那用閉萬里不防胡

山 其二

絕漠大軍還平沙獨戍間空畱一片石萬古在燕山

麻 逢俠者

錢起

燕趙悲歌士相逢劇孟家寸心言不盡前路日將斜

蒸 江行無題

咫尺愁風雨匡廬不可登祇疑雲霧窟猶有六朝僧

先 秋夜寄丘二十二員外

韋應物

懷君屬秋夜散步咏涼天山空松子落幽人應未眠

文 聽江笛送陸侍御

遠聽江上笛臨觴一送君還愁獨宿夜更向郡齊聞

灰 聞雁

故園眇何處歸思方悠哉淮南秋雨夜高齊聞雁來

剛 答李澣

林中觀易罷溪上對鷗間楚俗饒詞客何人最往還

陽 婕妤怨

皇甫冉

花枝出建章鳳管發昭陽借問承恩者雙蛾幾許長

歌 題竹林寺

朱放

歲月人間促烟霞此地多殷勤竹林寺更得幾回過

語 秋日

耿漳

返照入閭巷憂來誰共語古道少人行秋風動禾黍

豪 和張僕射塞下曲

盧綸

月黑雁飛高單于遠遁逃欲將輕騎逐大雪滿弓刀

東 別盧秦卿

司空曙

知有前期在難分此夜中無將故人酒不及石尤風

寒 幽州

李益

征戍在桑乾年年薊水寒殷勤驛西路此去向長安

侵 三閭廟

戴叔倫

沅湘流不盡屈子怨何深日暮秋風起蕭蕭楓樹林

歌 思君恩

令狐楚

小苑鶯歌歇長門蝶舞多眼看春又去翠輦不曾過

尤 登柳州蛾山

柳宗元

荒山秋日午獨上意悠悠如何望鄉處西北是融州

文 秋風引

劉禹錫

何處秋風至蕭蕭送雁羣朝來入庭樹孤客最先聞

仄 鞏路感懷

呂溫

馬嘶白日暮劍鳴秋氣來我心渺無際河上空徘徊

語 去聲 古別離

孟郊

欲別牽郎衣郎今到何處不恨歸來遲莫向臨邛去



語 尋隱者不遇

賈島

松下問童子言師採藥去只在此山中雪深不知處

支 官中題

文宗皇帝

輦路生秋艸上林花滿枝憑高何限意無復待臣知

支 勸酒

于武陵

勸君金屈卮滿酌不須辭花發多風雨人生足別離

尤 秋日湖上

薛瑩

落日五湖遊烟波處處愁浮沈千古事誰與問東流

侵 題慈恩塔

荊叔

漢國山河在秦陵草樹深暮雪千里色無處不傷心

庚 伊州歌

無名氏

齊 其二 聞道黃花成頻年不解兵可憐閨裏月偏照漢家營

蕭 哥舒歌

西鄙人

打起黃鶯兒莫教枝上啼啼時驚妾夢不得到遼西

先 答人

太上隱者

北斗七星高哥舒夜帶刀至今窺牧馬不敢過臨洮

遇來松樹下高枕石頭眠山中無曆日寒盡不知年

題袁氏別業詩王翼雲云既坐林泉便思有酒方不辜負林泉若主人相識不須愁沽酒矣既而猛然想著又自慰曰莫漫愁無沽酒也囊中自有酒錢自可無求於人矣此寫一段胸襟瀟灑酒處非必抹倒主人風流賀季真于此可見案如此語例論語患得之患不得也古諺身其餘幾無幾也是等之類多有

唐詩選卷之六終

唐詩選卷之七

七言絕句

夙 蜀中九日

王勃

九月九日望鄉臺他席他鄉送客杯人情已厭南中苦鴻雁那從北地來

尤 渡湘江

杜審言

遲日園林悲管遊今春花鳥作邊秋獨憐京國人南竄不似湘江水北流

先 贈蘇綰書記

知君書記本翩翩為許從戎赴朔邊紅粉樓中應計日燕支山下莫經年

文 戲贈趙使君美人

紅粉青娥映楚雲桃花馬上石榴裙羅敷獨向東方去謾學他家作使君

真 銅雀臺

劉廷琦

銅臺宮觀委灰塵魏主園陵漳水濱即今西望猶堪思況復當時歌舞人

庚 邱山

沈佺期

北邱山上列墳塋萬古千秋對洛城城中日夕歌鐘起山上惟聞松柏聲

微 送司馬道士遊天台

宋之問

羽客笙歌此地違離筵數處白雲飛蓬萊闕下長相憶桐柏山頭去不歸

尤 送梁六

張說

巴陵一望洞庭秋日見孤峰水上浮聞道神仙不可接心隨湖水共悠悠

仄 涼州詞

王翰

葡萄美酒夜光杯欲飲琵琶馬上催醉臥沙場君莫笑古來征戰幾人回

冬 清平調詞三首

李白

雲想衣裳花想容春風拂檻露華濃若非群玉山頭見會向瑤臺月下逢

陽 二

一枝濃艷露凝香雲雨巫山枉斷腸借問漢宮誰得似可憐飛燕倚新粧

寒 三

名花傾國兩相歡常得君王帶笑看解釋春風無限恨沈香亭北倚闌干

陽 客中行

蘭陵美酒鬱金香玉碗盛來琥珀光但使主人能醉客不知何處是他鄉

尤 峨眉山月歌

峨眉山月半輪秋影入平羌江水流夜發清溪向三峽忽君不見下渝州

寒 上皇西巡南京歌二首

誰道君王行路難六龍西幸萬人歡地轉錦江成渭水天迴玉壘作長安

元 二

欽閣重關蜀北門上皇歸馬若雲屯少帝長安開紫極雙懸日月照乾坤

齊 聞王昌齡左遷龍標尉遙有此寄

楊花落盡子規啼聞道龍標過五溪我寄愁心與明月隨風直到夜郎西

尤 黃鶴樓送孟浩然之廣陵

故人西辭黃鶴樓烟花三月下揚州孤帆遠影碧空盡惟見長江天際流

文 陪族叔刑部侍郎曄及中書舍人賈至遊洞庭湖

洞庭西望楚江分水盡南天不見雲日落長沙秋色遠不知何處弔湘君

灰 望天門山

天門中斷楚江開碧水東流至北迴兩岸青山相對出孤帆一片日邊來

剛 早發白帝城

朝辭白帝彩雲間千里江陵一日還兩峽猿聲啼不住輕舟已過萬重山

東 秋下荆門

霜落荆門江樹空布帆無恙掛秋風此行不為鱸魚膾自愛名山入剡中

真 蘇臺覽古

舊苑荒臺楊柳新菱歌清唱不勝春只今惟有西江月曾照吳王宮裡人

微 越中懷古

越王勾踐破吳歸義士還家盡錦衣宮女如花滿春殿只今惟有鷓鴣飛

麻 與史郎中欽聽黃鶴樓上吹笛

一為遷客去長沙西望長安不見家黃雀樓中吹玉笛江城五月落梅花

庚 春夜洛城聞笛

誰家玉笛暗飛聲散入春風滿洛城此夜曲中聞折柳何人不起故園情

豪 春宮曲

王昌齡

陽 西宮春怨

昨夜風開露井桃未央前殿月輪高平陽歌舞新承寵簾外春寒賜錦袍

西宮夜靜百花香欲捲珠簾春伙長斜抱雲和深見月朧朧樹色隱昭陽

陽 西宮秋怨

芙蓉不及美人粧水殿風來珠翠香却恨含情掩秋扇空懸明月待君王

支 長信秋詞

真成薄命久尋思夢見君王覺後疑火照西宮知夜飲分明複道奉恩時

陽 青樓曲

白馬金鞍從武皇旌旗十萬宿長楊樓頭少婦鳴箏坐遙見飛塵入建章

尤 閨怨

閨中少婦不知愁春日凝粧上翠樓忽見陌頭楊柳色悔教夫婿負封侯

支 出塞行

白草原頭望京師黃河水流無盡時秋天曠野行人絕馬首東來知是誰

尤 從軍行三首

烽火城西百尺樓黃昏獨坐海風秋更吹羌笛關山月無那金閨萬里愁

刪 二

青海長雲暗雪山孤城遙望玉門關黃沙百戰穿金甲不破樓蘭終不還

刪 三

秦時明月漢時關萬里長征人未還但使龍城飛將在不教胡馬度陰山

先 梁苑

梁園秋竹古時烟城外風悲欲暮天萬乘旌旗何處在平臺賓客有誰憐

虞 芙蓉樓送辛漸

寒雨連江夜入吳平明送客楚山孤洛陽親友如相問一片冰心在玉壺

刪 送薛大赴安陸

津頭雲雨暗湘山遷客離憂楚地顏遙送扁舟安陸郡天邊何處穆陵關

陽 送別魏三

醉別江樓橘柚香江風引雨入船涼憶君遙在湘山月愁聽清猿夢裏長

尤 盧溪別人

武陵溪口駐扁舟溪水隨君向北流行到荆門上三峽莫將孤月對猿愁

寒 重別李評事

莫道秋江離別難舟船明日是長安吳姬緩舞雷君醉隨意青楓白露寒

陽 少年行

王維

出身仕漢羽林郎初隨驃騎戰漁陽孰知不向邊庭苦縱死猶聞俠骨香

真 九月九日憶山中兄弟

獨在異鄉為異客每逢佳節倍思親遙知兄弟登高處遍插茱萸少一人

真 與盧員外象過崔處士興宗林亭

綠樹重陰蓋四隣青苔日厚自無塵科頭箕踞長松下白眼看他世上人

先 送韋評事

欲逐將軍取右賢沙場走馬向居延遙知漢使蕭關外愁見孤城落日邊

微 送沈子福之江南

楊柳渡頭行客稀罽師盪漿向臨圻唯有相思似春色江南江北送君歸

陽 春思二首

艸色青青柳色黃桃花歷亂李花香春風不為吹愁去春日偏能惹恨長

支 二

紅粉當墻弱柳垂金花臘酒解醲醑笙歌日暮能留客醉殺長安輕薄兒

青 西亭春望

日長風煖柳青青北雁歸飛入窅冥岳陽城上聞吹笛能使春心滿洞庭

歌 初至巴陵與李十二白同泛洞庭湖

楓岸紛紛落葉多洞庭秋水晚來波乘興輕舟無近遠白雲明月弟湘娥

寒 送李侍郎赴常州

雪晴雲散北風寒楚水吳山道路難今日送君須盡醉明朝相憶路漫漫

蕭 岳陽樓重宴別王八員外貶長沙

江路東連千里湖青雲北望紫微遙莫道巴陵湖水濶長沙南畔更蕭條

東 封大夫破播仙凱歌二首

漢將承恩西破戎捷書先奏未央宮天子預開麟閣待祗今誰數貳師功

岑參

庚 二

日落轅門鼓角鳴千羣面縛出蕃城洗兵魚海雲迎陣秣馬龍堆月照營

真 苜蓿烽寄家人

苜蓿烽邊逢立春葫蘆河上淚沾巾閨中只是空相憶不見沙場愁殺人

魚 玉關寄長安李主簿

東去長安萬里餘故人那惜一行書玉關西望腸堪斷況復明朝是歲除

寒 逢入京使

故園東望路漫漫雙袖龍鐘淚不乾馬上相逢無紙筆憑君傳語報平安

先 磧中作

走馬西來欲到天辭家見月兩回圓今夜不知何處宿平沙萬里絕人烟

尤 虢州後亭送李判官使赴晉絳得秋字

西原驛路掛城頭客散江亭雨未休君去試看汾水上白雲猶似漢時秋

微 送人還京

匹馬西來天外歸揚鞭只共鳥爭飛送君九月交河北雪裏題詩淚滿衣

魚 赴北庭度隴思家

西向輪臺萬里餘也知鄉信日應疎隴山鸚鵡能言語為報家人數寄書

姥 酒泉太守席上醉後作

酒泉太守能劍舞高堂置酒夜擊鼓胡笳一曲斷人腸坐客相看淚如雨

篠 送劉判官赴磧西

火山五月行人少看君馬去疾如鳥都使行營太白西角聲一動胡天曉

麻 山房春事

梁園日暮亂飛鴉極目蕭條三兩家庭樹不知人去盡春來還發舊時花

刪 寄孫山人

儲光羲

新林二月孤舟還，水滿清江花滿山。借問故園隱君子，時時來往人間。

文 贈花卿

杜甫

錦城絲管日紛紛，半入江風半入雲。此曲只應天上有人，人間能得幾回聞。

真 重贈鄭鍊

鄭子將行罷使臣，囊無一物獻尊親。江山路遠羈離日，裘馬誰為感激人。

庚 奉和嚴武軍城早秋

秋風嫋嫋動高旌，玉帳分弓射虜營。已收滴博雲間戍，欲奪蓬婆雪外城。

尤 解悶

一辭故國十經秋，每見秋瓜憶故丘。今日南湖采薇蕨，何人為覓鄭瓜州。

庚 書堂飲既夜復邀李尚書下馬月下賦

湖月林風相與清，殘尊下馬復同傾。久拚野鶴如雙鬢，遮莫隣雞下五更。

陽 塞下曲二首

常建

玉帛朝回望帝鄉，烏孫歸去不稱王。天涯靜處無征戰，兵氣銷為日月光。

灰 二

北海陰風動地來，明君祠上望龍堆。髑髏盡是長城卒，日暮沙場飛作灰。

庚 送宇文六

花映垂楊漢水清，微風林裏一枝輕。即今江北還如此，愁殺江南離別情。

尤 三日尋李九莊

雨歇楊林東渡頭，永和三日盪輕舟。故人家在桃花岸，直到門前溪水流。

尤 九曲詞

高適

鐵馬橫行鐵嶺頭，西看邏逤取封侯。青海只今將飲馬，黃河不用更防秋。



元 除夜作

旅館寒燈獨不眠客心何事轉凄然故鄉今夜思千里霜鬢明朝又一年

刪 塞上聞吹笛

雪淨故天牧馬還月明羌笛戍樓間借問梅花何處落風吹一夜滿關山

文 別董大

十里黃雲白日曛北風吹雁雪紛紛莫愁前路無知己天下誰人不識君

陽 送杜十四之江南

荆吳相接水為鄉君去春江正淼茫日暮孤舟何處泊天涯一望斷人腸

刪 寄韓鵬

為政心間物自閒朝看飛鳥暮飛還寄書河上神明宰羨爾城頭姑射山

陽 九日

崔國輔

江邊楓落菊花黃少長登高一望鄉九日陶家雖載酒二年楚客已沾裳

侵 題長安主人壁

張謂

世人結交須黃金黃金不多交不深縱令然諾暫相許終是悠悠行路人

尤 送人使河源

故人行役向邊州匹馬今朝不少留長路關山何日盡滿堂絲竹為君愁

刪 涼州詞

王之渙

黃河遠上白雲間一片孤城萬仞山羌笛何須怨楊柳春光不度玉門關

微 九日送別

蘇庭蕭瑟故人稀何處登高且送歸今日暫同芳菊酒明朝應作斷蓬飛

庚 洛陽客舍逢祖詠留宴

蔡希寂

綿綿漏鼓洛陽城客舍平居絕送迎逢君買酒因成醉醉後焉知世上情

真 少年行

吳象之

承恩借獵小平津使氣常遊中貴人一擲千金渾是膽家無四辟不知貧

剛 江南行

張潮

茨菰葉爛別西灣蓮子花開猶未還妾夢不離江上水人傳郎在鳳凰山

剛 軍城早秋

嚴武

昨夜秋風入漢關朔雲邊月滿西山更催飛將追騎虜莫遣沙場匹馬還

尤 重送裴郎中貶吉州

劉長卿

猿啼客散暮江頭人自傷心水自流同作逐臣君更遠青山萬里一孤舟

齊 送李判官之潤州行營

李華

萬里辭家事鼓鼙金陵驛路楚雲西江春不肯留行客艸色青青送馬蹄

齊 春行寄興

宜陽城下草萋萋澗水東流復向西芳樹無人花自落春山一路鳥空啼

灰 歸雁

錢起

瀟湘何事等閑回水碧沙明兩岸苔二十五絃彈夜月不勝清怨却飛來

東 登樓寄王卿

韋應物

踏閣攀林恨不同楚雲滄海思無窮數家砧杵秋山下 一郡荆榛寒雨中

灰 酬柳郎中春日歸揚州南國見別之作

廣陵二三月花正開花裡逢君醉一迴南北相過殊不遠暮潮歸去早潮來

文 送魏十六還蕪州

皇甫冉

秋夜沈沈此送君陰蟲切切不堪聞歸舟明日毘陵道回首姑蘇是白雲

東 曾山送別

淒淒遊子苦飄蓬明月清樽祗暫同南望千山如黛色愁君客路在其中

麻 寒食

韓 雄

春城無處不飛花，寒食東風御柳斜。日暮漢宮傳蠟燭，青烟散入五侯家。

文 送客知鄂州

江口千家帶楚雲，江花亂點雪紛紛。春風落日誰相見，青翰舟中有鄂君。

齊 宿石邑山中

浮雲不共此山齊，山靄蒼蒼望轉迷。曉月暫飛千樹裏，秋河隔在數峯西。

庚 送劉侍郎

李 端

幾人同入謝宣城，未及酬恩隔死生。唯有夜猿知客恨，嶧陽溪路第三聲。

先 楓橋夜泊

張 繼

月落烏啼霜滿天，江風漁火對愁眠。姑蘇城外寒山寺，夜半鐘聲到客船。

仄 聽角思歸

顧 況

故園黃葉滿青苔，夢後城頭曉角哀。此夜斷腸人不見，起行殘月影徘徊。

寒 宿昭應

武帝祈靈太乙壇，新豐樹色繞千官。那知今夜長生殿，獨閉空山月影寒。

齊 湖中

青艸湖邊日色低，黃茅瘴裏鷓鴣啼。丈夫飄蕩今如此，一曲長歌楚水西。

陽 夜發袁江寄李穎川劉侍郎

戴 叔倫

半夜回舟入楚鄉，月明山水共蒼蒼。孤猿更叫秋風裏，不是愁人亦斷腸。

支 寄楊侍御

包 何

一官何幸得同時，十載無媒獨見遺。今日莫論腰下組，請君看取鬢邊絲。

真 汴河曲

李 益

汴水東流無限春，隋家宮闕已成塵。行人莫上長堤望，風起楊花愁殺人。

虞 聽曉角

邊霜昨夜墮關榆吹角當城片月孤無限塞鴻飛不度秋風吹入小單于

陽 夜上受降城聞笛

回樂峰前沙似雪受降城外月如霜不知何處吹盧管一夜征人盡望鄉

寒 從軍北征

天山雪後海風寒橫笛偏吹行路難磧裏征人三十萬一時回首月中看

真 楊柳枝詞

楊帝行宮汴水濱數株楊柳不堪春晚來風起花如雪飛入宮牆不見人

庚 與歌者何戡

二十餘年別帝京重聞天樂不勝情舊人唯有何戡在更與殷勤唱渭城

麻 浪淘沙詞

鸚鵡洲頭浪颯沙青樓春望日將斜銜泥燕子爭歸舍獨自狂夫不憶家

仄 自朗州至京戲贈看花諸君

紫陌紅塵拂面來無人道看花回玄都觀裏桃千樹盡是劉郎去後栽

尤 涼州詞

鳳林關裏水東流白草黃榆六十秋邊將皆承主恩澤無人解道取涼州

麻 十五夜望月

中庭地白樹棲鴉令露無聲濕桂花今夜月明人盡望不知秋思在誰家

微 送盧起居

相如權傳有光輝何事闌干淚濕衣舊府東山餘妓在重將歌舞送君歸

先 嘉陵驛

悠悠風旆遶山川山驛空濛雨作烟路半嘉陵頭已白蜀門西更上青天

支 漢苑行

張仲素

回雁高飛太液池新花低發上林枝年光到處皆堪賞春色人間總未如

蕭塞下曲

三戍漁湯再度遼駢弓在臂箭橫腰匈奴似欲知名姓休倚陰山更射鵰

元又

朔雪飄飄開雁門平沙歷亂捲蓬根功名恥計擒生數直斬樓蘭報國恩

微秋閨思

碧窻斜月露深輝愁聽寒蟬淚濕衣夢裏分明見關塞不知何路向金微

寒郡中即事

羊士諤

紅衣落盡暗香殘葉上秋光白露寒越女含情已無限莫教長袖倚闌干

庚登樓

槐柳蕭疎繞郡城夜添山雨作江聲秋風南陌無車馬獨上高樓故國情

微酬浩初上人欲登仙人山見貽

柳宗元

珠樹玲瓏隔翠微病來方外事多違仙山不屬分符客一任凌空錫杖飛

庚題延平劍傳

歐陽詹

想像精靈欲見難通津一去水漫漫空餘千載凌霜色長與澄潭白日寒

江聞白樂天左降江州司馬

元稹

殘燈無焰影幢幢此夕聞君謫九江垂死病中驚坐起暗風吹雨入寒窻

尤胡渭州

張祐

亭亭孤月照行舟寂寂長江萬里流鄉國不知何處是雲山漫漫使人愁

真雨淋鈴

雨淋鈴夜却歸秦猶是張徽一曲新長說上皇垂淚教月明南內更無人

元號夫人

號國夫人承主恩平明騎馬入宮門却嫌脂粉汚顏色淡掃蛾眉朝至尊

陽度桑乾

賈島

客舍并州已十霜歸心日夜憶咸陽無端更渡桑乾水卻望并州是故鄉

无 成德樂 王表

趙女乘春上畫樓一聲歌發滿城秋無端更唱關山曲不是征人赤淚流

仄 漢宮詞 李商隱

青雀西飛竟未回君王長在集靈臺待臣最有相如渴不賜金莖露一杯

支 夜雨寄北

君問歸期未有期巴山夜雨漲秋池何當共剪西窗燭却話巴山夜雨時

魚 寄令狐郎中

嵩雲秦樹久離居雙鯉迢迢一紙書休問梁園舊賓客茂陵秋雨病相如

尤 秋思 許渾

琪樹西風枕簟秋楚雲湘水憶同遊高歌一曲掩明鏡昨日少年今白頭

先 江樓書感 趙嘏

獨上江樓思渺然月光如水水連天同來翫月人何處風景依稀似去年

齊 楊柳枝 温庭均

館娃宮外鄴城西遠映征帆近拂堤繫得王孫歸意切不關春艸綠萋萋

元 折楊柳 殷成式

枝枝交影鎖長門嫩色曾霑雨露恩鳳輦不來春欲盡空留鶯語到黃昏

宮怨 司馬禮

柳色參差掩畫樓曉鶯啼送滿宮愁年年花落無人見空逐春泉出御溝

庚 宴邊將 張喬

一曲涼州金石清邊風蕭颯動江城坐中有老沙場客橫笛休吹塞上聲

寒 退朝望終南山 李極

紫宸朝罷綴鸞鸞丹鳳樓前駐馬看唯有終南山色在晴明依舊滿長安

寒 華清宮

崔魯

草遮回磴絕鳴鑿雲樹深深碧殿寒明月自來還自去更無人倚玉闌干

覃 古別離

韋莊

晴烟漠漠柳毵毵不那離情酒半酣更把玉鞭雲外指斷腸春色在江南

剛 宮詞

李建勳

宮門長閉舞衣閒略識君王寢已班却羨落花春不管御溝流得到人間

齊 水調歌第一疊

張子容

平沙落日大荒西隴上明星高復低孤山幾處看烽火戰士連營候鼓聲

尤 涼州歌第二疊

李益

朔風吹葉雁門秋萬里烟塵昏戍樓征馬長思青海上胡笳夜聽隴山頭

仄 水鼓子第一曲

李益

雕弓白羽獵初回薄夜牛羊復下來夢水河邊青州合黑山峯外陣雲開

庚 雜詩

陳祐

無定河邊暮笛聲赫連臺畔旅人情函關歸路千餘里一夕秋風白髮生

寒 初過漢江

無名氏

襄陽好向岷亭看人物蕭條屬歲闌為報習家多置酒夜來風雪過江寒

馬 上聲 胡笳曲

王烈

月明星稀霜滿野羶車夜宿陰山下漢家自失李將軍單于公然來牧馬

微 塞上曲

王烈

紅顏歲歲老金微沙磧年年臥鐵衣白草城中春不入黃花戍上雁長飛

剛 又

王烈

孤城夕對戍樓閑迴合青窠萬仞山明鏡不須生白髮風沙自解老紅顏

支 邊詞

張敬忠

五原春色舊來遲二月垂楊未掛絲即今河畔冰開日正是長安花落時

真 九日宴

張諤

秋葉風吹黃颯颯晴雲日照白鱗鱗歸來得問茱萸女今日登高醉幾人

真 西施石

樓穎

西施昔日浣紗津石上青苔思殺人一去姑蘇不復返岸傍桃李為誰春

陽 和李秀才邊庭四時怨

盧弼

八月霜飛柳遍黃蓬根吹斷雁南翔隨頭流水關山月泣上龍堆望故鄉

寒 又

朔風吹雪透刀瘢飲馬長城窟更寒夜半火來知有敵一時齊保賀蘭山

真 宴城東莊

崔敏童

一年始有一年春百歲曾無百歲人能向花前幾回醉十干沽酒莫辭貧

灰 奉和同前

崔惠童

一月主人笑幾回相逢相值且銜杯眼看春色如流水今日殘花昨日開

東 宿疎陂驛

王周

秋澆棠梨葉半紅荊州東望草平空誰知孤宦天涯意微雨瀟瀟古驛中

灰 塞下曲

釋皎然

寒塞無因見落梅胡人吹入笛聲來勞勞亭上春應度夜夜城南戰未回

歌 僧院

釋靈一

虎溪閒月引相過帶雪松枝掛薜蘿無限青山行欲盡白雲深處老僧多

唐詩選卷之七終



之の如きは此書多に在りたむ——いふ所は——を  
 日多あるは古今集子出きんあまき依禮を此の如きより  
 上つらうは書と此奇とを言句と——此ちよりて此を  
 近頃といふあり花と——花と此中の流も李唐代  
 再ありてその拾遺は定書と承くひき——くうぶく  
 事ありて——此か——お柳か——時代不同——た名——此  
 乃らるは奇——いふりある唐詩選といふ書あり——  
 此の書は此選輯——のなりまうる時代こそ古今集よりなるり  
 相くまうれば此同抄人記を此より古今集の相きく  
 相とらざされども此よりあま川——越つて楓橋夜泊袁氏  
 子兼此詩あるたあるたも此にまうるさういふさう別

元は毎書あまの書まれるる心——いふぎりのきあま  
 神聖ぬ——いふ此あまの河原のまてりし——いふ人  
 人此詩のいふあるまといひいとあまぬ——いふよも保光生いふ

天保癸巳之春 原版

松篁軒 藏

明治十七年十月二日 翻刻御届  
 同 年十一月 日 出版


出版人

東京府平民

井上勝五郎

京橋區南紺屋町壹番地

定價金貳拾錢



010190602350